

冬青館集

三

蘇子知

解學

PDG

冬青館乙集目錄

賦一首

詩一

掃花山館集六首

勞薪集七首

湖樓集十六首

檣谿拾橡集十五首

過江集七首

望雲集四首

冬青庠集十四首

蕪城集四首

後冬青廬集十二首

詩二

北征集二十首

南游集七首

寄阮集十七首

礪桐館集十一首

淮南集三首

臨頓里集十二首

林屋洞天集十六首

桑苧園丁集十首

痺風集二十六首

井叔集二十四首

文三

釋一首

論二首

策三首

解一首

文辨一首

攷四首

文四

文記二十五首

文五

序十七首

文六

書一首

跋書後十九首

文七

跋書後二十八首

文八

傳十三首

碑五首

銘一首

贊三首

墓志銘表五首

祭文一首

余旣自刻甲集同儕咸見爲少於是王硯農臺叔
昆季雜取叢稿以去將先爲清本聞川計君二田
遂先刊詩二卷硯農又奔走四方凡有文事諸家
遞相惠慰咸有依借越五載梓尙未竟今春得沈
君升甫相助升甫余故人柳橋哲嗣卽前爲余襄
校甲集者也從知事必有緣而凡事先後一轍終
克集成然朋友之貺不敢忘也至於其中妍醜人
知之余自知之棄取亦不復自主用不敢問序於
人時方將司教武成恩恩不遑多述聊誌其艱苦

云爾丙午七月烏程張鑑識是年七十有九

賦之今日賦之集如衣不弊曰士用不貲問曰

衣不弊曰士用不貲問曰

衣不弊曰士用不貲問曰

衣不弊曰士用不貲問曰

衣不弊曰士用不貲問曰

衣不弊曰士用不貲問曰

衣不弊曰士用不貲問曰

衣不弊曰士用不貲問曰

衣不弊曰士用不貲問曰

衣不弊曰士用不貲問曰

冬青館乙集卷一

烏程張鑑秋水

賦一

第一樓賦

并序

蓋聞景怡治學然糠見慕於及門
麟士講經織簾不辭
乎別舍螽斯鳴則草蟲躍雕虎獻
而清風生物類相召
古今一致何況文翁治蜀郡人不
仰其風猷辭漢明韓
博士羣遵其章句也哉吾師儀徵
夫子莅浙之明年慮
古訓之式微懼俗學之不殖爰於
西湖築詒經精舍置
生徒其中遵甲乙之科擬金爵之
賞將以紹徐謁卿改
敝就善之謀矯錙子駿樂成慮始
之誠上則儲著作以

備

嚴更之選下則立頑懦以資石室之藏昔東萊纂述甄拔者何多安定名齋設科者不一有唐有涂先正之堂爰立爲塾爲序退息之室式昭其南有樓名傳在昔集多士宣講說春風和化雨治紬奧義於藝林繇訓故于不墜頓入荒以遠攬紹千載之冥搜非政之以文治者乎鑑得參末坐幸推下流兼陸澄奪席之譽有何憲拙簞之恥不揆樸昧謹獻賦曰

伊古訓之將湮賴扶植於明良仿先民之講說立精舍之式臧得爽塏於遠渚遵秋水之一方旣鉏茅以築室復薙草而開堂邃蜿蜒以修弄疏洞達以啟窗允軒敞

而皓肝用瀏灑而傍徨貯美日以遠睇亦登樓而遙望
其樓也不廣不狹非麗何侈高螢崔巍飛宇爰啟藻稅
波譎芝栴雲詭陰蚪上負陽馬下止欂櫨相承欒棋交
綺浮柱岵嶸以星縣文梁偃蹇以虹指扶欄翼張以鳥
革天窗轍舉以遠峙循梯枕以徑度羌徘徊而上升旣
登降而周覽目愕眙而經營拖虹霓於欄楯列瑤光於
綺櫺挹流霞之朝爽吸翠氣之清泠東則文瀾海流翰
墨之富金繩束筍騰囊錯繡向校農求鮒臧聃守名記
師春書垂史籀仲寶別其流孝緒糾其繆南則敷文峙
焉黨庠州序莘莘俎豆雍雍筍虡儷白抽黃禮洽儀具
菁菁士子命儔歡侶青衿懷其好音樂諧奏其振羽於

是背冬涉春感物念時歸雁載軒新魚戲遲長楊檻臥
落華窗窺柅柅拂幕蓑蓑映帷簾雨晦卷棟雲暘飛綠
淺穎擢紅蓮房披禽鳴上下嵐光霏微風定翠恬不可
殫知爾其朱屏曲折紅欄補綴方疏斜畱交幌對結紫
貝龕灰明螺鄣榻琴薦薰鑪沙版紅壁龍鱗之瓦齊排
蝦鬚之簾幾尺帳則坐鶴曾安牀則搯龜旣設嵇叔夜
之鍛竈不妨陸魯望之茶鑪竝列其中陳以牙籤羅以
藤笥笙典珠囊琅函金櫃漢相秦灰宗經越緯卮說稗
官譎言奇字玉杯之書金鑾之志琴號食墨珠名記事
切綫割圖開山括地廣爲鉤沈窮極證墜多張華所莫
知率束皙所不計異諾皋而彌奇非虞初而足祕爰有

敦誨之彥山澤之臞始則土窟終焉石渠賣餅東海籊
桶上都氣窮數馬迹迂券驢家或等於握瑾智寧類於
盜珠非使然於利祿良有心以惠孚用私恥于蟲夏終
見誚于濫竽於是爭妍鬪險角韻分題尖叉互作競病
相齊擘牋刻燭落眉撚髭兀如木槁豁若冰澌脣吻鐘
調胸臆律吹分析肌理研覈是非莫不飛靡以弄巧吐
豔以炫奇亦有推十合一競今擯古法言幽求天規地
槩抗心千載任其所取澡身元淵宅德藝圃案六經而
校功眇古昔之緒餘甯越之勤不能過董生之篤不足
數指歲月而程效登斯樓以爰處若乃巒光乍霽湖氣
初晴酒旗歌板象管鵝笙珠喉轉澀銀甲彈輕游人空

國士女傾城鹿頭畫舫油壁香輪鶯花如海魚鳥爲鄰
盟鷗狎鷺戴月披星玫瑰滴露猩猩煮脣南都北里之
曲千秋萬歲之觥斯王孫之極樂非吾人之所寧而況
崔駟不樂吳質長愁繁欽之苔不埽馮衍之薑乍收望
美人於天末獨舍睇於芳洲或竚月於西陸仰零露於
素秋恫長繩之不繫悟時敘之盡適率操觚而染翰懼
名實之不修願矢志於金石聊宣意乎斯樓

詩一

埽花山館集

余自幼耽吟詠散佚頗多然皆無足錄者茲鈔以著雍
涖灘之歲爲始屈步尋條烏知千里存之亦聊以自恕

云爾張鑑識

古詩五首

琢玉損其圭削竹毀其節我懷烈士心千載耿不滅
蕤發空山秋風吹菱絕自非歲寒姿誰能厲冰雪
岵岵嶧山陽上有梧桐樹幽人斲爲琴虛懷抱冰素
俗耳尙淫哇正聲失韶護中有太古音獨向空山晤

茗蘭生幽谷微風散芬芳佳人惜頽波甘心守空房
秋江搴芙蓉夕對明月光豈不懷陽春勉旃行露妨
世路趨繁華往往事微逐讀書非瘵貧厥言足三復
朝起坐晴窗一編媚幽獨長卿題柱人至今嗟齷齪
昔人重交游寶劍帶工墓後世須黃金貧賤不相顧
習

習谷風吹棄寘等行路千載贈綈袍橫涕有餘慕

猛虎行

猛虎猛虎大於兕前行山鬼後木客白晝公然入城市
西邨駝我胡髯羊北舍齧我白蹠豕少年縮手不敢視
嗟嗟猛虎我語汝黃顰白兔滿深山汝獨何爲至於此
汝獨不畏焦銅射石石飲羽楚有熊渠漢有李

勞薪集

予六歲失恃先府君年踰四十祇不肖一人愛之甚至
於讀書未嘗督過至二十受知於學使者朱文正公始
學爲詩明年館谿南劉氏暝琴山館遂得徧觀古今人
著作之緒頗識學問之方所得篇什亦略次第可攷故

編年之詩以勞薪爲始焉張鑑識

時大彬酒斗歌爲劉丈

琨作

髯也昨置木瓜酒招我來觀古磁斗花陰捧過踰紀甌
云出前朝大彬手此斗胚胎極光怪非赭非紺非深黝
膩如桃皮削金錯堅若水蒼脫艾綬花梭船至失鮮妍
蕉葉釭開見老醜說陶前事不勝書尙憶卮言得八九
宣和以來貴磁器龍泉一出不脛走定州白與汝州紅
建安之窯持人口有明祕製矜成化蟲魚花草無不有
世珍永樂薄如紙玉環嫌肥習相狃其外官哥汝閩豫
頗多窯變難矯揉銅胎鐵足亦苦心一種流傳定非偶
或言壺系出仙家辭太荒唐吾不取金沙寺僧無人知

龔春去後唯此叟指羸紋印雜款識小字娟娟篆科斗
趙莊山下石黃泥一具居然抵瓊玖銀槎碧山竹濮謙
能事由來有墨守不獨倕般合妙用剔紅填漆足垂後
風鐙過眼倏千年祇有人匪石金壽胡須粉麝壓香匳
那有刀圭誤藥臼三春典盡肅霜裘對此狂呼欲濡首
提梁卣倒百分空歸去車茵不辭歐

銅鼓歌

楂楂乳鵲鳴花尖主人睡起鉤疏簾竹鑪聲小打門急
如牛喘月來長髯沿階昇至一銅鼓苔斑未洗蝸涎黏
雲雷交互光黹黹荇藻剝落波瀾瀾耳蟠科斗手敢摸
年譌馬鼠脣先箝豈有生沙與活翠雨淋日炙知相兼